

## De leste tuffel

Redactie

In 1995 schreef Tubbergenaar Harry Wesselink het gedicht "De leste tuffel". Het gedicht werd afgedrukt op de achterzijde van een kaart, waarop een lijkkoeft is te zien. De kaart werd in Tubbergen te koop aangeboden. De verkoop werd een groot succes. Gezien het tijdsbeeld willen wij u het gedicht en een foto van een lijkkoeft niet onthouden.

### De leste tuffel \*

Aj in de kraant stoat, ôp 't verkeerde blad,  
dan hej de leste tuffel had.  
Oen 'n naam blif nog wa 'n paar daag hangen,  
mer monn'n a, wöj ôp 't wéérk vervangen.  
Al wa'j ôk könnink, directeur,  
de dood doar he'w gen middel veur.  
Femilie, noabers, bint in rouw:  
wat wa'j toch leef, wat wa'j toch trouw,  
wat wa'j nen besten kéérl, of vrouw.  
Vedaag liekt alle leu nog droof,  
dat heurt zo, 't is vedaag de groov'.  
Eer a'j ter eerde bint besteld,  
maakt ze a trammelant um 't geld.  
Wel éérft de grond, 't hoes, de klökk',  
de briefkes oet de oale sökk?

Wél krig 't goldwéérk, 't schilderi',  
de hoond, de oalerwetse zijj?  
Het blik nich aait nen gloriezaank,  
ie stunn'n in 't rood nog, bie de baank.  
't Bericht da'w gennen céént gung 'n éérven,  
gaf grötter droofheed as oew stééven.  
Wee wann'n veur oe zo good toch west,  
al gef ik too . . . 't meest an 't lest.  
In 't testaméént stun oew verhaal:  
wee kwamm 'n d'r almoal achter daal.  
Oen 'n héélen kroam gung noar de kéérk,  
veur de kost mö'w wier gewoon an 't wéérk.  
Woar a'w ôk nog wa 'n luk van baalt:  
de bloomen bint nog nich betaald!



\* Harry Wesselink heeft toestemming gegeven, het gedicht in *Boorn & Boerschop* op te nemen.